

山西府縣志輯

中國地方志集成

嘉慶靈石縣志
民國靈石縣志

中國地方志集成

山西府縣志輯 ②〇

嘉慶靈石縣志

民國靈石縣志

鳳凰出版社 ● 上海書店 ● 巴蜀書社

靈石志序

粵自周禮小史外史分掌邦國
四方之志小行人又錄萬民之
利害禮俗悖逆荒札安平各為
一書以五物詔王周知天下之
故後世郡邑之志於是濫觴允

靈石縣志

卷之一 序

一

所以觀民情察吏治斟酌利弊
移易風俗胥此志也靈石為山
右衝衢乾隆丙午丁未歲時余
侍先大夫牧絳州尋擢守邢
襄東出介霍間道經是邑見其
星郵絡繹無虛日計為之宰者

酬應紛拏撫綏罷敝良非易易
嘉慶己巳余謁選掣得直隸威
縣尋蒙

恩特調山西靈石自維余家自明季

由晉之洪洞遷陝華州偃指從
前服官三晉者五世矣若霍州

靈石縣志

卷之一 序

二

臨汾藩垣祁邑絳州所在政蹟
炳如載在家乘余小子叨祖
宗餘蔭適蒞茲土下車以來無
日不惴惴焉以仰畬

天恩下酬民望為念且恐家聲隕墜
以貽先世羞然則徵文攷獻佑

啟愚蒙又烏得不亟取諸誌哉
顧嘗披檢舊文因陋就簡殘缺
未脩又自康熙壬子距今百五
十餘年從無釐正修葺之者余
滋惡焉尋念茲邑也大山巨壑
厄要宜防頽墉短垣增垣宜飭
腴田瘠壤輸納宜均祈年報享
秩祀宜舉洪潦衝激堤障宜固
險瀧峭壁疏鑿宜勤破觚斲雕
侈靡宜斥他如佩綬橫經哲人
貞媛豐功駿烈宜揚潛德幽光
宜發使次第修舉勒諸典冊

觀治者考見得失之林也顧茲
事體大余愧謏陋因循而未果
丙子夏次皋黃君以海南名宿
觀政并門向與余訂文字交因
羅而致之乃廣約曲求芻蕘
括易其詞覈其事正其體疏其
目遠而有徵近而不穢因天之
道相地之宜疆域有條戶口有
紀田賦有經禮樂有緯職官治
之學校導之選舉秩之兵屯衛
之彰於名宦顯於人物流於藝
文播於風俗事得其理人得其

序蓋治道於是乎脩矣抑余更

有幸焉山右臨汾志 二世祖

正議公修之祁邑志 高祖中

憲公修之今余勉蕘是役余猶

區區繼志述事之微意云爾余

雖未能興利剔弊綱舉目張然

靈石縣志

卷之一 序

五

是編也司風君子采事觀變因

時損益神而化之與民宜之其

事則靈邑其文則史其義則猶

然古者周知天下之故藉以仰

贊

聖天子軫念民依之邇治而小子叨

職八年余庶免於尸位瘵官之

誚也夫是為序

嘉慶丁丑歲夏六月上澣知靈

石縣事關中王志澣撰書



靈石縣志

卷之一 序

六

靈石縣志原序

嘗聞元公置內外史而周禮始備鄉侯收圖籍而漢鼎以興史之見重於國家也久矣但四方之志不修國史何徵欲光簡冊而嗣前徽其道無從由茲以觀邑志尚已夫邑之志或亦由古月吉獻書陳詩納賈之意爾不佞於政暇閱及靈志見分野辨而天道備疆域奠而地理明官師設坊表立而人事存焉是役也固天文地理人事之紀而守土者不可不慎其事也伏遇上臺移檄徵志所屬靈雖賁爾隅東綿屏峙

靈石縣志

卷之一

原序

一

西汾環繞鍾靈毓秀間有偉人且表裏山河關鎖阨塞實河東郡牖戶是志之尤重且切也蓋靈志創始遠不可稽一見於明萬曆辛丑知縣路一麟類稱良史材其箸次條目過囑瞭然似無容更贊一辭迨自我

清版圖統一損益制易其紀載之遺缺名物之替換人才之盛衰豈無繼此而有可修明者念志屬不朽事傳千百世已往之典故樹千百世後起之芳規求其博而有要詳而有體憂憂乎其難之揣多固陋又兼

繁雜恐難稱事延同學師庠彥搜往牒採輿論循名

核實商訂真贋仍其舊乘之篇目加以修飾可因者因之亦因其所不得不因可入者入之亦入其所不得不入哀繁益簡務使義類昭然以盡其所有事而已

康熙壬子季秋吉日知靈石縣事濟源人侯榮圭撰

靈石縣志

卷之一

原序

二

靈石縣志原序

夫邑之有志也若國之有史家之有乘也蓋考古鏡
今實式賴之顧久則變變則宜修有不容於仍舊者
靈石舊有志乃潁川白公所輯幾三十春秋矣歷年
既多沿革數易昔隸河東今隸冀南則更加纂修亦
今日急務也不佞弗揣管窺爰於公餘取舊志嘗披
閱之久之地理建置之故風俗人物之實頗洞於胷
中遂刪其繁浩次其篇目間亦附以臆說凡十篇焉
是志也不過因其所不可易更其所不可仍如易之

靈石縣志

卷之一 原序

一

所謂改邑不改井也若曰考核精詳約而該簡而不
可畧輝煌治化以興起人文是任余弗能也則有後
之閱覽博物者

萬曆辛丑陽月吉知靈石縣事栢人路一麟撰

靈石縣志

纂修職名

纂修

知靈石縣事調任陽曲縣知縣陝西華州壬子科舉人王志澍

編次

候補知縣廣東南海縣庚申科舉人黃憲臣

參訂

原任代州吏目江蘇六合縣附監孫貽謨

校閱

靈石縣志

纂修職名

一

靈石縣教諭潞安府壺關縣丁酉科拔貢任秉德

原任靈石縣訓導太原府文水縣乙卯科舉人武依鎬

原任靈石縣訓導代州歲貢生馮裕祚

靈石縣訓導太原府徐溝縣歲貢生崔文閣

監刊

靈石縣巡檢常州府武進縣徐源

靈石縣典史紹興府山陰縣陳榮章

首事

總理原任順天府督糧通判王如琨

布政司經歷王中極

原任廣昌縣知縣丙午科舉人曹誦清

朔州訓導歲貢生楊大建

候補道楊溪

直隸磁州知州何道榜

戶部司務廳王鳳山

直隸清苑縣知縣王德榮

原任禮部儀制司郎中癸丑科進士程體常

吏部驗封司員外郎辛酉科進士梁中靖

靈石縣志

纂修職名

二

府同知祁霖充

候補郎中王汝聰

府同知王綬來

經理

增廣生韓泰豐

太學生陳應昌

庠生祁霖澳

庠生張振緯

太學生王化

太學生郭麟選

試用訓導李蔚華

吏員趙運興

分校

候補教諭恩貢生任守禮

廩膳生曹士琳

膳錄

庠生韓汝霖

庠生趙清綬

靈石縣志

纂修職名

三

庠生韓椿芳

太學生趙清綬

採訪

辛酉科舉人王濟衆

歲貢生王太和

廩膳生裴蘭芬

廩膳生李鵬

附貢生閻生輝

增廣生李春芳

庠

生房元錫
上俱邑人

靈石縣志

纂修職名

四

靈石縣志舊修職名

萬厯辛丑纂修

文林郎知靈石縣事路一麟
柏鄉人

縣丞王誠一
永城人

訓導閻教
鄉寧人

典史梁相
興平人

庠生楊大壯
邑人

康熙壬子纂修

文林郎知靈石縣事侯榮圭
濟源人

靈石縣志

舊修職名

五

縣丞馬文元
正白旗遼東人

訓導孫進修
榆社人

典史喬延祚
淄川人

庠生張尊美

庠生趙紹芳

庠生陳之傳

庠生王紹祖
上俱邑人

靈石縣志目錄

圖考 星野圖 縣境圖 縣城圖 學宮圖

地輿志卷一

沿革

分野

疆域

山川 附水利

風俗

建置志卷二

靈石縣志

目錄

一

城池

縣治

坊表

橋梁

里甲 內村庄

市集

食貨志卷三

田賦

戶口

倉儲

權稅

鹽法

物產

學校志卷四

學宮

祭儀

樂章

祭器

靈石縣志

目錄

二

書籍

學署

學額

典禮志卷五

祠廟 附祀典

壇壝

郵政

武備志卷六

營伍

關隘 堡寨墩附

軍器

郵政

鋪遞

職官志卷七

知縣

縣丞

教諭

訓導

靈石縣志

目錄

三

巡檢

典史

驛丞

武職

官績

選舉志卷八

進士

舉人

孝廉方正

貢生 恩拔副歲

武進士

武舉

仕籍

候選

職銜

議叙

封典

人物志卷九

靈石縣志

目錄

四

忠孝

善行

捐賑

列女

古蹟志卷十

名勝

寺觀

邱墓

藝文志卷十一

記

詩

雜錄志卷十二

祥異

事考

仙釋

靈石縣志

目錄

五

凡例十四則

史有體例體宜正例宜嚴其大較也自紫陽本資治通鑑而編爲綱目義蓋取諸春秋春秋者經以立法傳以紀事綱目一書意猶是也夫志猶史也靈石舊志體裁簡畧且自康熙壬子距今百四十餘年中間紀載闕如閱者惡焉今用旁搜博考疑者闕之畧者增之首列圖考象太極也志分十二象周天之數也十二志綱也每志各有分屬目也蓋亦竊取綱目之意

靈石縣志

卷之一

凡例

一

志始地輿重封域也靈本介休地自隋開皇間分介休西南建爲今治唐宋以來隸屬不一故沿革不可不詳星野次乎沿革者倣諸周禮所封封域必有分星分野定則疆界正矣山川奠則水利通矣綺布繡錯民之聚族而居者食水土之毛久之遂積成習故末綴以風俗焉

疆域定而工役興故建置次之城池縣治官事也坊表橋梁里甲村庄市鎮待治於官而安乎民者也若地畝學校祠廟營伍郵驛又建置之大者事可統屬

而分志之何也蓋重之故分志焉且義可互參也
洪範八政食貨爲先重民事也建置定則思所以養
民故食貨尤不可緩均地畝滋戶口正賦役備倉儲
課權稅鹽法凡皆物產之所從出食貨之源也綱之
紀之政體於是乎在利弊於是乎在是在留心民事
者

食足而後教興學校所以爲教也師儒之設人才之
興化治之本也故歷代重焉閱郡縣各志每繫學校
於祠廟中互相沿襲例似合而體不尊茲特立學校

靈石縣志

卷之一 凡例

二

爲一志詳列先聖先賢名序及一切祭儀典物兼
綴歷代建修姓氏於簡端俾後之君子展卷瞭然因
感發其重道尊師之意

典禮莫大於學校今分繫於祠廟壇壝中仍冠以文
廟有詳有畧義不嫌於互見也凡在祀典者詳載廟
制祭品餘皆止存其名目而郵政亦統於禮故終紀
之

文事武備相須爲用者也卽在一邑設營墩守關隘
置郵傳命凡以捍牧圉通差使衛民生者文治而外

又不可少者也舊志附武備於建置中畧而不詳用
特立爲一志首營伍次郵政分注合論亦俾後之修
舉者得按籍以稽
官制至我

國家至爲詳備邑令爲親民之官爲教爲養四境環而
待命焉次學官次巡典次武弁分猷効力治忽係之
靈邑始建於隋自隋以逮唐宋世遠年湮職名皆無
可考舊志載遼一員宋二員今仍之迨元明以迄於
今凡見於文書者備紀於冊名宦必操持可法德澤

靈石縣志

卷之一 凡例

三

及民者始志之舊志綴宦績於各姓名下殊非體例
今特另列之以清眉目以昭往鑑

選舉編自宋代然僅存二三卽在前明率多失考蓋
邑志不修已久散逸殊多闕其不能不闕也逮至
國初半沿舊志其可博採補綴者迺自雍正乾隆以後
舉貢進士仕宦及一切援例議叙文自七品以上武
自六品以上方得入志其實授候補卽巡典亦得附
焉

人物據通志府志紀載謹嚴蓋其慎也然失考者亦

有之今則博訪廣詢採之鄉評審其行跡果其於家國之間奇節異行名實相副有關名教者列入忠孝門或有頗敦孝友又樂修廟宇築橋修路濟急拯貧者概列善行門又別立捐賑門示一善亦錄也善士難節婦亦難如窮巷下里苦節堪憐有自青年甘守積至三四十載者報到必准訪確必錄顯微闡幽未敢臆爲去取

靈邑勝跡之最古者介子廟卜子廟韓侯廟孝文山秦王嶺李衛公祠也名賢遺跡井里生光惟介廟舊

靈石縣志

卷之一 凡例

四

志號爲神林且盛稱黃蘆之說甚屬不經故芟其說而定曰介子廟舊稱英雄祠亦額曰李衛公祠至如唐崇徽公主手痕碑王宰碑蕭珙碑舊皆失考今特訪出補志之吉光片羽神明呵護其出想亦有時耶舊志八景命名擇地未盡穩愜亦酌更定凡碑記題詠具載藝文志中徵文獻莫如士林然士君子先德行後文藝故編輯於人物各志之後志例宜然也舊志有記無詩即記亦殊渺茲採自唐宋以來其有關掌故者錄有係名跡者錄合得詩文若干首惟名賢

佳什美不勝收爲各擇其尤雅者輯之不敢濫亦不敢畧

庶徵之應邑亦有之然凡在邑志僅宜存以備參不敢妄附史氏也故祥異綴於雜錄志中次事考次仙釋如事考內有正卷所不錄者有正卷已節錄者疑信參半純駁兼收並存之而各著其所出蓋志之餘也

志爲紀事之書實係一邑掌故靈志創始遠不可稽惟一修於前明萬厯中白公夏再修於路公一麟越

靈石縣志

卷之一 凡例

五

我

朝康熙間爲侯公榮圭所修典籍賴以不亡前勛固不可沒也然積歲既久缺典紛紜是役也更定體例綴殘補缺旁搜遠考訂前志之所有增前志之所無自夏徂冬厥書始成實與創始無以異

靈石縣志卷之一

圖考


周禮職方氏掌天下之圖辨其山鎮川藪使各周知其利賴修平乃守意至深遠也沿及後世上自省會下至邑鄙莫不有志志繫以圖於是封疆景物瞭如指掌視古爲詳靈石始建縣於隋中間遞有因革故文獻雖存圖象猶缺乃歷考疆域分野山川形勢城郭名勝爲圖十五俾後之作者得以覽觀焉

靈石縣志

卷之一 繪圖

一

觜宿圖 兼參



觜二度在參之右角如鼎足形主天之關

觜三星距西南星去極八十二度半

坐旗九星距南星去極六十一度半入參宿八度

司怪四星距西星去極七十一度入參宿六度半


按步天歌坐旗司怪俱屬觜宿武密書及乾象新書皆屬參

靈石縣志

卷之一 繪圖

二

參宿圖 分野主靈石



參十度上為五星日月中道

參十星距中星西第一星去極九十二度半

玉井四星距西北星去極九十八度少入畢宿十一

度半

天屏二星距南星去極一百一十五度入畢宿十三

軍井四星距西南星去極一百五度半入畢宿十四

天廁四星距西北星去極一百一十八度半入參宿

尿一星去極一百一十五度入參宿三度半

靈石縣志

卷之一 繪圖

三



里五十五界

靈石縣志

卷之一 繪圖

四



治

里五十五界

